



*Komunikadu Imprensa*

*Periodu : 2011*

*Edisaun: 17 Outubru 2011*

## **JSMP realiza seminár konaba kombinasau Implementasaun Lei Kontra Violénsia Doméstika ho Kódigo Pénal ba Universitariu Oriental**

Iha loron 15 Fulan Outubru 2011, Judicial System Monitoring Programme liu husi Unidade Justisa ba Feto, realiza programa seminariu konaba kombinasau implementasaun Lei Kontra Violénsia Doméstika ho Kódigo Pénal ba universitariu Oriental (UNITAL). partisipantes iha seminariu ne'e mak estudantes husi fakuldade de direitu, ne'ebé kompostu husi feto 30 no mane hamutuk ema nain 59. Total partisipantes enjeral hamutuk ema nain 89.

Seminariu ne'e fasilita husi Sr. Dr. Jose Ximenes, nu'udar Xefe Administrador Procurador Distrital Dili, Sr. Luis de Oliveira Sampaio Diretor JSMP, no Sr. Dr. Delfin Soares, nu'udar representante akademiku husi fakuldade de Direitu UNITAL.

Diretor JSMP Luis de Oliveira Sampaio hateten katak *"Programa semináriu ne'e ho objetivu atu fahe informasaun ba universitariu ho nune'e bele hasa'e sira nia koñesementu iha area judisiáriu nian. Liu-liu atu aumenta liutan referensia adisional ne'ebé mak ligadu ho asuntos legal ka material penál nomos provizaun sira iha Lei Kontra Violénsia Doméstika no Kódigu Penál iha pratika.*

Liu tan Diretor JSMP hatutan katak *"Semináriu ne'e mos ho intensaun atu enkoraza feto maluk sira ne'ebé estuda hela iha universidade-fakuldade de Direitu hodi bele prepara sira nia-an ho di-diak hodi nune'e, wainhira remata sira nia estudu, bele kompete iha Sentru Formasaun Judisiáriu hodi bele sai autór Judisiáriu hodi garante balansu jéneru.*

Programa semináriu ne'e nudar pasu dahuluk hodi loke dalan mos ba programa seminariu seluk ne'ebé mak sei halo iha universitariu sira, ne'ebé mak tuir planu, sei hala'o iha UNPAZ no UNDIL.

JSMP espera katak, ho seminariu ne'e bele lori pasu positivu hodi bele hasa'e kuñesementu ne'ebé diak liu – liu kona ba Kódigu Penál no Lei Kontra Violénsia Doméstika.

Programa ne'e bele realiza tanbá hetan suporta finanseiru husi **The Royal Norwegian Embassy iha Jakarta.**

**Atu hetan informasaun kompletu kontaktu;**

**Luis de Oliveira Sampaio**

**Direitór Ezekutivu JSMP**

**Telef: 3323883/7295795**

**Email: [luis@jsmp.minihub.org](mailto:luis@jsmp.minihub.org)**